



KEMENTERIAN PENDIDIKAN TINGGI
JABATAN PENDIDIKAN POLITEKNIK DAN KOLEJ KOMUNITI

SIARAN MEDIA

PROJEK PENDIGITALAN POLYCC: PEMANTAPAN SISTEM RANGKAIAN KAMPUS FASA 2 DI 12 BUAH POLITEKNIK

BALIK PULAU, 16 Julai 2026 – Jabatan Pendidikan Politeknik dan Kolej Komuniti (JPPKK), Kementerian Pendidikan Tinggi (KPT) sedang melaksanakan Projek Penggantian Peralatan Sistem Rangkaian Kampus (WiFi) Fasa 2 bernilai hampir RM11 juta menerusi peruntukan Rancangan Malaysia Kedua Belas (RMKe-12), Rolling Plan 5 (RP5). Pelaksanaan projek ini dijangka memberi manfaat secara langsung kepada lebih 100,000 pelajar POLYCC di seluruh negara serta menyokong hasrat Kerajaan untuk merealisasikan capaian WiFi 100 peratus di Institusi Pendidikan Tinggi Awam (IPTA).

Pelaksanaan projek berimpak tinggi ini dibahagikan kepada dua skop utama. Skop pertama melibatkan Penggantian Perkabelan Rangkaian Kampus Usang oleh Datacryptic Technologies Sdn. Bhd. melibatkan tujuh buah politeknik. Skop kedua pula melibatkan Pembekalan dan Pemasangan 1,875 unit *Access Point* serta 318 unit *Access Switch* oleh Ifantra Sdn. Bhd. yang akan memberi manfaat kepada 12 buah politeknik.

Kedua-dua projek ini dijangka siap sepenuhnya pada November 2026. Pelaksanaannya dijangka memperkukuh infrastruktur rangkaian kampus sekali gus mempercepat pembudayaan digital dalam kalangan pelajar dan pensyarah di POLYCC melalui akses internet yang lebih stabil, pantas dan menyeluruh.

Sementara itu, Sesi Mesyuarat *Kick-Off* yang berlangsung di Politeknik Balik Pulau pada hari ini turut dihadiri oleh Tuan Haji Che Rahim bin Daud, Pengarah Bahagian Pembangunan Modal Insan, Kementerian Ekonomi, Dr. Fary Akmal binti Osman, Timbalan Setiausaha Bahagian, Bahagian Pembangunan, Kementerian Pendidikan Tinggi, Tuan Haji Ulaimi bin Yahya, Timbalan Ketua Pengarah (Perancangan), Pegurusan Tertinggi JPPKK serta wakil dari politeknik terlibat.

-TAMAT-

JABATAN PENDIDIKAN POLITEKNIK DAN KOLEJ KOMUNITI
KEMENTERIAN PENDIDIKAN TINGGI
16 JULAI 2026